

खबरां पवन वर्मा कोला

- पच्छिम बंगाल च असेंबली चुनाएं दे दुए ते अखीरले गेड़ लेई चुनां प्रचार अज्ज संझा समाप्त होई गेआ।
- राज्यसभा दे अध्यक्ष होरें आम आदमी पार्टी दे 7एं सांसदें दे भारती जनता पार्टी च शामिल होने गी दित्ती मंजूरी, भारती जनता पार्टी दे सांसदें दी गिनतरी बधिये 113 होई गेई ऐ।
- भारत ते न्यूजीलैंड नै अज्ज नमीं दिल्ली च मुक्त बपार समझौते पर रस्मी तौरा पर दस्तखत कीते।
- भारती मौसम विभाग नै हरियाणा, चंडीगढ़, मध्य प्रदेश, पंजाब, राजस्थान, गुजरात ते विदर्भ च सख्त गर्मी पौने दी पेशनगोई कीती ऐ।
- ते आई.पी.एल क्रिकेट च अज्ज संझा नमीं दिल्ली च दिल्ली कैपिटल्स दा मुकाबला रायल चैलेंजर्स बैंगलुरु कन्नै होग।

<><><><><><>

WB-Campaigning

पच्छिम बंगाल च विधानसभा चुनाएं दे दुए ते खीरी चरण लेई प्रचार अज्ज खत्म होई गेआ। इस चरण च इस म्हीने दी 29 तरीक गी 142 विधानसभा सीटें लेई मतदान होंगन। दुए ते इस खीरी चरण च मतदान आहले विधानसभा खेत्तरें च कोलकत्ता, उत्तर कोलकत्ता, दक्खन, हावड़ा, नदिया, उत्र 24 परगना, दक्खन 24 परगना, हुगली ते पुरबा बरधामन सने 8 चुनां जिले शामिल न। सब्बनें बड़ी बड़ी पार्टियों दे नेताएं इनें चुनां खेत्तरें च रैलियां कीतियां। प्रधानमंत्री ते बीजेपी दे वरिष्ठ नेता नरेंद्र मोदी होरें आखेआ जे सन 1857 च बैरकपुर नै अहम भूमिका निभाई ही जेदे कन्नै भारत दी

आजादी दी पैहली लड़ाई गी ताकत थोई। जिलेपी मठ च इक जनसभा गी संबोधित करदे होई प्रधानमंत्री होरें आखेआ जे पूरा देश उत्तर भारत दे विकास गी दिक्खा'रदा ऐ ते बंगाल च ऐतिहासिक बदलाव होआ'रदा ऐ। दुई बक्खी तृणमूल दी नेता ममता बनर्जी होरें बी कई जनसभा ते रैलियां कीतियां। उनें जादवपुर दे सुकांता सेतू थमां पार्टी दे मेदवार दे समर्थन च जादवपुर ते टोलीगुंगे दे मेदवार दे समर्थन च पैदल जात्तरा कीती। बाद च उनें अपने गै चुनां खेत्तर भवानीपुर च इक जनसभा गी बी संबोधित कीता।

<><><><><><>

BJP-RS Strength

राज्यसभा च बीजेपी दे संसद सदस्यें दी कुल गिनतरी बधिये 13 होई गई ऐ। सोशल मीडिया पोस्ट च संसदीय मामलें दे केंद्री मंत्री किरें रिजिजू होरें अज्ज जानकारी दिती जे उच्च सदन दे चेयरमैन सी.पी राधाकृष्णन होरें आम आदमी पार्टी दे 7 सांसदें दे पार्टी बदलने दे फैसले गी मंजूरी देई दिती ऐ। इनें सांसदें च राघव चड्ढा, डॉ. अशोक कुमार मित्तल, संदीप पाठक, स्वाति मालिवाल ते हरभजन सिंह शामिल ना। एहदे बाद उच्च सदन च आम आदमी पार्टी दे सांसदें दी गिनतरी घटियै 3 होई गई ऐ।

<><><><><><>

PM-Gangtok Visit

महिला सशक्तिकरण लेई प्रस्ताव बारी शक्ति वंदन पर मध्य प्रदेश विधानसभा दा इक दिनें दा विशेष सत्र चला'रदा ऐं सदन च महिलाएं गी 33 फीसद आरक्षण देने दा प्रस्ताव पेश कीता गेआ पर इस कन्नै राजनीतिक हलचल बी शुरू होई गई ऐ। विपक्ष दे नेता उमंग सिंघर होरें रियासत च सबनें 230 विधानसभा सीटें पर महिलाएं लेई 33 फीसद आरक्षण दी मंग कीती ऐ। एहदे बाद कांग्रेस दे विधायकें सरकारी प्रस्ताव दे खलाफ नारेबाजी कीती ते सदन थमां बाहर चली गए।

<><><><><><>

MP-Assembly Session

महिला सशक्तिकरण लेई प्रस्ताव नारी शक्ति वंदन पर मध्य प्रदेश विधानसभा दा इक दिनें दा बशेष सत्र होआ। सदन च महिलाएं गी 33 फीसद आरक्षण देने दा प्रस्ताव पेश कीता गेआ पर एहदे कन्नै राजनीतिक हलचल बी शुरू होई गई ऐ। विपक्ष दे नेता उमंग सिंघर होरें रियासत च सबनें 230 विधानसभा सीटें पर महिलाएं लेई 33 फीसद आरक्षण दी मंग कीती ऐ। एहदे बाद कांग्रेस दे विधायकें सरकारी प्रस्ताव दे खलाफ नारेबाजी कीती ते सदन थमां बाहर उठी गे।

<><><><><><>

India Nzl. FTA

भारत ते न्यूजीलैंड नै अज्ज दपैहरी मगरा नमीं दिल्ली च मुक्त बपार समझौते पर दस्तखत कीते। इस मौके पर केंद्री वाणिज्य ते उद्योग मंत्री पीयूष गोयल ते न्यूजीलैंड दे बपार ते निवेश मंत्री टोड मैकाले होरें दस्तखत समारोह दी अध्यक्षता कीती। पिछले बरे दिसंबर महीने इस समझौते गी मुकदा रूप देई दित्ता गेआ हा जेदे तैहत सभनें भारती निर्यातें गी 100 फीसद ज्यूटी फ्री कीता गेआ ऐ जेदे नै बक्ख-बक्ख सैक्शनें गी फायदा पुज्जोग। मुक्त बपार समझौते एफटीए नै सेवा सेक्टर, शिक्षा, संचार, सेहत पारम्परिक औषधिएं ते पूंजीनिवेश आहले खेत्तरें च नमें आयाम मुहैया करोआए ना।

<><><><><><>

IMD-Weather

भारती मौसम विभाग नै राश्ट्री राजधानी च जबरदस्त गर्मी ते लू ज्नेह हालात दी पेशगोई कीती ऐ। विभाग मूजब दिल्ली च बहुबद्ध तापमान 44 डिग्री तगर पुज्जी सकदा ऐ। इसै चाल्ली दे हालात हरियाणा, चंडीगढ़, मध्य प्रदेश, पंजाब, राजस्थान, उत्तर प्रदेश, बिहार, छत्तीसगढ़, गुजरात ते विदर्भ च बी बने दे रौहडन। मौसम विभाग नै दिल्ली, हरियाणा, चंडीगढ़, छत्तीसगढ़ ते पच्छिमी मध्य प्रदेश

च अज्ज रात बी बड़ी गर्म रौहने दे असार जताए न। तोआई, मौसम विभाग नै आंध्र प्रदेश ते तमिलनाडू च अगले 2 दिनें दरान मौसम गर्म ते नमीं आला रौहने दी भविष्यवाणी बी कीती ऐ।

<><><><><><>

HP-Heat Wave

हिमाचल प्रदेश दे पदरे इलाके च जबरदस्त गर्मी ते लू ज्नेह हालात करी लोकें लेई घरे शा बाहर निकलना बी औक्खा साबत होआरदा ऐ। हिमाचल द्र उना, हमीरपुर, चम्बा ते कांगड़ा ज्नेह जिलें सने केइएं होरनें कस्बे च बी पिछले किश दिनें दरान बद्दोबद् तापमान 40 डिग्री सैल्यिस शा उप्पर रिकार्ड होआ करदा ऐ। मौसम विभाग नै इनें जिलें लेई गर्मी ते लू ज्नेह हालात दा येलो अलर्ट जारी कीता ऐ।

<><><><><><>

London-Marathon

सेबस्टियन सावे नै लंदन मैराथन च इतिहास रचेआ ऐ। ओहू प्रतिस्पर्धा द्रौड़ च Sub two hour marathon दौड़ने आले पैहले एथलीट बनी गे। 31 बरें दे केन्याई खडारी नै एहू द्रौड़ 1 घंटे 59 मिंट 30 सेकेंट च पूरी करियै जित्त हासी कीती जेड़ा 2023 च केलविन किप्टम्स दे 2 घंटे ते 35 सेकेंट बनाए दे रिकार्ड थमां घट्ट समां ऐ।

<><><><><><>

Drug-Abuse

नशीली दोआइएं दी खरीदो-फरोखत आहले नेटवर्क गी खत्म करने आहली मुहिम तैहत जम्मू पोलीस नै नशामुक्त भारत अभियान पर कम्म करदे होई समाज गी नशे थमां मुक्त करने दे अपने धेइयै गी फही पक्का कीता। इस मुहिम दी अगुवाई करदे होई एस.पी मुख्यालय जम्मू अन्ना सिंहा होर अभियान गी होर तगड़ा करने ते जागरूकता पैहलकदमिएं गी बधाने लेई मती सक्रियता कन्नै कम्म करा'रदियां

न तां जे प्रांतै च नशे आलिएं दोआइएं दे फैलाव गी खत्म कीता जाई सकै। पोलीस इत्त भेठा लगातार छापे मारा'रदी ऐ, कन्नोकन्नी सौहगे, ताड़ रखा'रदी ऐ ते समुदायें तगर अपनी पुज्ज बनाने आहले प्रोग्राम तैहत नशे आहले नेटवर्क दी शिनाख्त करियै उसी तबाह करने च लग्गी दी ऐ। इक सख्त ते साफ स्नेहे च एसपी अन्ना सिंहा होरें नशीली दोआइएं दे तस्करें गी आगाह कीता ऐ जे उंदे खिलाफ सख्त कनूनी कार्यवाही कीती जाह्ग।

<><><><><><>

Awareness

नशीली दोआइएं दी बधदी कवैथ ते बन्ने पारा होने आहली नशे दी तस्करी दी चुनौती बारै बन्ने आहले जिले पुंछ दे सरकारी हाई स्कूल देगवार एम च इक जागरूकता प्रोग्राम दा आयोजन कीता गेआ। एह स्कूल कब्जा रेखा पर अखीरी हाई स्कूल ऐ, इस पैहलकदमी दा सरिस्ता शिक्षा विभाग नै जम्मू-कश्मीर पुलिस कन्नै रलियै कीता जेहदा मकसद स्थानीय बसनीकें गी नशीली दोआइएं दे खतरें बारै दस्सना ते बन्ने पारां होने आहली नशे दी तस्करी लेई इस्तेमाल कीते जारदे नमें-नमें ढंग तरीकें बारै उनेंगी जानकार ते जागरूक करना हा। इस प्रोग्राम च बड़ी मती गिनतरी च स्कूली बच्चें, उंदे माता-पिता, ग्रां दे बुजुर्गें ते कब्जा रेखा पर रौहने आहले स्थानीय बसनीकें हिस्सा लैता।

<><><><><><>

ED-Searches

पंजाब दे साबका डीआईजी हरचरण सिंह भुल्लर दे खलाफ इक्क मामले च प्रवर्तन निदेशालय आसेआ चंडीगढ़, लुधियाना, पटियाला, नाभा ते जलंधर सने पंजाब दिएं 11एं थाहरें पर छापे मारे गे ना। छापेमारी आली एह कार्रवाई पी.एम.एल.ए दी दफा 17 दे तैहत कीती गई ऐ। ई.डी नै आखेआ ऐ जे एह कार्रवाई इक अपराधिक मामले गी रफा-दफा करने लेई इक बिचौलिए दे राहें गुज्ज दी मंग दे आरोपें पर सीबीआई, एसीबी, चंडीगढ़ आसेआ दर्ज मामलें दे सरबंध्य च कीती गई ऐ।

<><><><><><>

JKRLM

जम्मू-कश्मीर ग्रामीण आजीविका मिशन जे.के.आर.एल.एम उम्मेद तैहत विभाग महिलाएं दे सशक्तिकरण आहली भेठा मता ध्यान देआ'रदी ऐ। महिलाएं दे आपुं अपनी मदाद करने आहले सेल्फ हेल्फ ग्रुप, ग्रामीण महिलाएं गी एहदे च शामिल होने लेई प्रेरित करारदा ऐ तां जे आजीविका पैदा कीतियां जाई सकन, उंदा प्रबंधन ते निरंतरता यकीनी कीता जाई सकै ते लौहके उद्यमें गी आर्थिक मदाद हासल करोआई जाई सकै। रामबन च सकूलें ते कालजें थमां पढाई छोड़ियै घर बैठक दे नोजवानें ते बेरोजगार नौजवानें लेई हुनर विकास आहले ओहके प्रोग्रम चलाए जा'रदे न जेहदे नै मगरा रोजगार थोने च सखाल होऐ। इस तैहत 3 थमां 12 म्हीनें दी मुफ्त सिखलाई दित्ती जंदी ऐ।

<><><><><><>

CM-GCET

मुख्यमंत्री उमर अब्दुल्ला होरें अज्ज जम्मू दे गौरमेंट कॉलेज ऑफ इंजीनियरिंग एंड टेक्नॉलजी च वास्तुकला सरबन्धी स्कूल ऑफ आर्किटेक्ट दी ईमारत दा उद्घाटन कीता। इसी प्रदेश च तकनीकी शिक्षा ढांचे गी तगड़ा बनाने दी दिशा च इक महत्वपूर्ण गैहू मन्नेआ जा'रदा ऐ। शिक्षा मंत्री सकीना इत्तू, मुख्यमंत्री हुंदे सलाहकार नासिर असलम वानी ते नगरोटा थमां विधायक देवयानी राणा बी इस मौके उत्थे मजूद हियां। इस नमीं सुविधा कन्नै मेद ऐ जे शैक्षणिक समर्थ च बाद्दा हाग ते विद्यार्थीएं लेई मौकें च बी सुधार होग।

<><><><><><>

School Unlawfull Entity

प्रशासन नै जम्मू-कश्मीर दे शोपियां जिले च इक बंदश आले गुट कन्नै सरबंधत किश लोकें आसेआ कथित तौरा पर चलाए जा'रदे इक स्कूल गी गैर कनूनी गतिविधिएं दी रोकथाम सरबन्धी कनून-यू.ए.पी.ए दे तैहत गैर कनूनी संस्था घोशत करी दित्ता ऐ। कश्मीर दे डिविजनल कमिशनर अंशुल गर्ग होरें शोपियां दे एस.एस.पी हुं'दे आसेआ पेश कीते गेदे उस दस्तावेज दी बिनाह पर दऊं सफें दा हुकम जारी कीता ऐ जेह्दे च शोपियां जिले दी इमाम साहिब थाह दारूल उलूम जामिया सिराजउल उलूम च कथित गैर कनूनी गतिविधिएं बारै जानकारी दित्ती गेदी ऐ। जंदी 24 अप्रैल गी गर्ग हुं'दे आसेआ जारी कीते गेदे हुकमै च आखेआ गेआ ऐ जे ऐसी पुख्ता जानकारीयां ते सबूत हासल होए दे न जेह्दे दस्सदे न जे इस इदारे दे सरबन्धत बरे 2019 च भारत सरकार आसेआ बंदश लाए गेदे गुट जमात ए इस्लामी कन्नै हे जेह्दे चलदे इस स्कूल गी गैर कनूनी संस्था घोशत कीता गेआ ऐ।

<><><><><><>

IPL

आई.पी.एल क्रिकेट च दिल्ली कैपिटल्स दा मकाबला अज्ज नमीं दिल्ली दे अरुण जेटली स्टेडियम च रायल चैलेंजर्स बेंगलुरु कन्नै होग। एहू मैच संझा साङ्गे 7 बजे शुरू होग।

<><><><><><>

Shooting

शूटिंग च भारती निशानेबाजें कायरो च आई.एस.एस.एफ जूनियर वर्ल्ड कप 2026 च 16 तगमे हासल कीते जेदे च 5 सुन्ने दे, 6 चांदी दे ते 5 कैहू दे तगमे शामिल न जिंदे चा 2 तगमे खीरी दिन हासल कीते। हेमंत बर्मन होरें मर्दे दी 50 मीटर राइफल च त्री थाहर लेई मकाबले च 351.7 दे प्रभावशाली स्कोर कन्नै चांदी दा तगमा हासल कीता।

<><><><><><>